

Bosna i Hercegovina
Ministarstvo obrane-odbrane



Босна и Херцеговина
Министарство одбране

Broj:11-50-3936-1 /11
Sarajevo, 24.10.2011.godine

PARLAMENTARNA SKUPŠTINA BIH
PREDSTAVNIČKI DOM

01/a-50-1

10-2011

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:	01.11.2011		
Organizaciona jedinica	Klasifikaciona oznaka	Redni broj	Broj priloga
01-50-1-15-10/11			

PREDMET: *Odgovor na poslaničko pitanje Zvonke Jurišića*

VEZA: *Vaš akt broj: 01/a-50-1-15-10/11 od 27.09.2011.godine.*

Zvonko Jurišić, poslanik u Predstavničkom domu Parlamentarne skupštine Bosne i Hercegovine, na 10. sjednici Predstavničkog doma održanoj 22.09.2011.godine, postavio je sljedeće poslaničko pitanje:

"Tražim od Ministarstva obrane BiH potpunu informaciju o nestanku eksploziva kojeg je trebalo uništiti po Odluci Predsjedništva BiH i nestanku tromblonskih mina i da li je Ministarstvo obrane BiH pokrenulo određene aktivnosti u procesuiranju odgovornih za ovaj slučaj i da li se zna gdje su završile spomenute količine eksplozivnih naprava".

U prilogu akta, Ministarstvo obrane Bosne i Hercegovine dostavlja odgovor na poslaničko pitanje u skladu sa članom 37. Zakona o Vijeću ministara Bosne i Hercegovine ("Službeni glasnik BiH", broj 38/2), i članom 155.stav (3) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", broj 33/06).

S poštovanjem,

Prilog: Kao u tekstu

Dostavljeno:

- naslovu
- a/a



ODGOVOR NA POSLANIČKO PITANJE ZVONKE JURIŠIĆA

Odlukom Predsjedništva Bosne i Hercegovine o utvrđivanju viškova naoružanja, municije i minsko-eksplozivnih sredstva u Oružanim snagama BiH i principima njihovog rješavanja broj: 01-011-1599-32/09 od 10. 06. 2009. godine kojom su definirani ukupni viškovi naoružanja, municije i MES-a za OS BiH, Zaključkom Predsjedništva Bosne i Hercegovine broj: 01-011-803-44/10 od 22. 03. 2010. godine kojim se definira obveza Ministarstva obrane BiH da se izvrše pripreme za uništavanje svih količina lakog naoružanja i visoko rizične municije i MES-a, kao i uništavanje svih viškova doniranog naoružanja i municije, Ministarstvo obrane Bosne i Hercegovine je sukladno Projektu kontrole malog i lakog naoružanja u BiH-SAC BiH a koji je po odobrenju Vijeća Ministara BiH potpisan sa UNDP, sklopilo ugovor sa poduzećem PRETIS Vogošća broj:11-03-25-2569-1/10 od 31.05.2010.godine- Pilot projekat za uništavanje cca 506,7 tona municije i MiMES-a.

Navedeni pilot projekat obahvatio je uništavanje municije i MiMES-a u količini od cca 506,7 tona, a što je sve praćeno i nadzirano od strane Komisije MO BiH za verifikaciju i uništavanje koja je imenovana Odlukom MO BiH.

Procesom delaboracije sredstava koja su bila predmet uništavanja, ukupna količina eksploziva dobijena delaboracijom a koja je ustanovljena od strane Komisije MO BiH za verifikaciju uništenja municije i MES-a je 17.705,00 kg.

Količina eksploziva vraćena u skladišta OS BiH je u iznosu od 6.174,32 kg., što znači da nije vraćeno 11.530,78 kg. eksploziva i ista količina je dio isporuke poduzeća „Pretis“ Vogošća poduzeću „Vitezit“ Vitez, a o čemu postoje materijalni dokazi o prijemu sredstava od strane poduzeća „Vitezit“ Vitez.

Navodni nestanak 7-8.000 tromblonskih mina neodražava činjenično stanje, jer je kroz zapisnike o delaboraciji, otpremnicama o preuzetim sredstvima od strane OS BiH evidentno konstatirano da je izvršena njihova delaboracija.

Ministarstvu obrane Bosne i Hercegovine je Zaključkom Predsjedništva Bosne i Hercegovine broj:01-50-1-2841-66/11 od 15.09.2011.godine naloženo da žurno provede postupak utvrđivanja eventualne disciplinske i druge odgovornosti uključenih uposlenika u ovoj aktivnosti, a što je u tjeku, kao i da sačini cjelovitu analizu propusta u procesu provođenja pilot projekta uništavanja viškova naoružanja, streljiva i MES-a, te shodno istoj pripremi plan mjera za otklanjanje nedostataka i potrebnog unapređenja u daljnjim aktivnostima.

Navedenim Zaključkom Predsjedništva Bosne i Hercegovine zatraženo je i uključivanje Tužiteljstva BiH, a gdje je Ministarstvo obrane BiH dostavilo kompletnu dokumentaciju Pilot projekta Državnoj agenciji za istrage i zaštitu.

